




392901  
392926

BIBLIOTHECA  
UNIVERSITATIS  
CANTONIAE

St. Or.


III

2527 III. 5. 7



Ex-Libris  
PODHORCE

AGRY GRT




392901

392926

Mag. St. Dr. III

1041



18

2

John  
C. ...

...

...

**DOLOR**

*FVNERVVM*

**COMES,**

*LACHRYMARVM*

**PRINCEPS,**

*PARENTALIVM AFFECTIVVM*

**DUX & IMPERATOR.**

*Ad Triumphale Ferendum*

*CELSISSIMI & REVERENDISSIMI*

*D. HIERONYMI AVGVSTINI*

**LVDOVICI MARSHALI**

*In Wislone & Silesiæ Comiti*

*S. R. M. PRINCIPIS*

*CASTELLANVS & GUBERNATOR*

*SVPREMI EXERCITVS*

*Memori Heroica Virtute*

**HEROICVS.**

*Ad ripam exundantis in lachrymas SRENIAVÆ*

*Præficâ Melpomene*

**DECANTATUS**

*à Polona Provincia Scholarum Piarum.*

*Anno 1708. 18. Junij.*

VARSAVIÆ

Typis Collegij Scholarum Piarum.



Sublata ex oculis virtus, tantum sui desiderium  
relinquit, ut laudari omnino sine aliquo **DOLORE**  
non possit. *Remondus in funere Philippi Gvastavil.*

Funus nobis, Ille est; magnoq; vulneri continu-  
us **DOLOR**. *Puteanus in funere Lipsij.*

Lugete populi! hic ille Libertatis Vindex! qui  
ut sui quiescerent, nunquam quievit. *Emm. Thesaur.*

Dilecta valete **FLVMINA**. *Claud. lib. 2. in Eutr.*

Tristesq; **DOLOREM**  
Quantumvis mœsti, fac alto **CORDE** premamus.  
*Homer. Iliad. 5.*



392906

III



# LESSUS FUNEBRIS.

## I.

**P**Allete fatis purpuræ!  
Mors vivit in Senatu!  
Sellas Honoris occupat,  
Magni jacent Statores!

## II.

Ditesce gemmis palpebra!  
Non pauperem reposedunt  
MITRÆ dolorem PRINCIPES,  
AVRELIJq; Nomen.

## III.

DVX cessit. hinc absq; ordine  
Confuse vade mæror!  
Luctus frequentes militent,  
CLAVAM regente Fato.

## IV.

Extingue frontis lumina,  
Liquate cordis imber!  
Somno quiescens funebri,  
Noctem precatur VMBRA.

## V.

Cubent ut OSSA mollius,  
Pupilla stillet undis!  
Guttæ cavabunt marmora  
Emollientq; bustum.

CERÆ

## VI.

*CERÆ* parentes ardeant !  
*Quæretur* inter umbras  
*Sepulta* *GEMMA* pulveri,  
*Damnum* *Lechi* *CORONÆ*.

## VII.

*Ad IUSTA* censum funebrem  
*Mortis* citat tribunal ;  
*SRENIAVA* gemmet lachrymis,  
*Dolor* tributa pendat.

## VIII.

*Heu !* quam severâ parcitis  
*Crudelitate* *Parcæ* !  
*O URNA* fatorum *CAPAX*  
*Quàm* grande *FLUMEN* hauris !

## IX.

*En cæca* mors ! quæ *Lechicos*  
*Nequit* videre *SOLES* ,  
*Jam* crevit in tantum, ut premat  
*CELSISSIMOS* *Gygantes*.

## X.

*Sed quid* querelas fundimus ?  
*Non* audiet loquentes ,  
*Dum* se coronat *Atropos*  
*Et* in *Mitra* superbit.

## XI.

*Pacem* quietis *MANIBUS* ,  
*Felix* precemur ævum.  
*Æternitatis* influat  
*Faustum* *SRENIAVA* littus.



# PRINCEPS CELSISSE,

FVNDATOR MVNIFICENTISSE,

ILLVSTRISSE CAPITANEE BOHVSE AVIENSIS.

**P**arentalis Dolor, quamvis inter atrata hæc mortuali squallore iusta, densis offundatur nubi- bus; adhuc tamen orbitatem suam uno, sed omni sole Illustrissimo solatur Sidere, Te superstite, TANTI PATRIS FILIO. Ploravimus super GENTILITIA CELSISSE DOMVS FLV MINA naufragium MAGNI FVNDATORIS. Duro, extra Niobes commentum, obriguimus marmore; quando geminato funere in CELSISSE GENITRICE TVA LAPIDEM ANGVLAREM amisimus. Sed reparas Tantorum iacturam Nominum; siccas obrutos lachrymarum procellâ oculos, æmulis splendoribus par UTRIq; Polone Alexander. Habemus Te alterû rarissimis magnæ mentis dotibus Phœnicem è Magno Maximi GENITORIS Cinere; restauras occasum illius pari Celsissimæ Indolis meridie. Vivit ille in ipsa funeris sui morte; & Laureatum ex sarcophago attollit verticem; quia totam in Te supremo fatorum anhelitu transfudit animam; totus immortalitate meritorum in Te immi- gravit. Purpurâ & Mitris decoras Ipsius Virtutes undè cum sanguine derivasti, cum Natalibus Ceris fer- reum ad cruenta Martis opera induisti animum; om- nemq; illius faciem ita vivâ lineamentorum circumfers representatione, ut omninò ambigamus mortuum, cum gloriosis rectefactorum suorum miraculis totus in Te videatur revixisse. In florido annorum Tuorum vere revirescunt iam triumphales Tanti Bellatoris Laureæ, quas

quas armatis in Martis campo succidit laboribus. Efulget in Oriente iuventutis, veterani consilij lucidissima perspicacia, quo Patriam obscuro fatorum intenebratam vespere serenabis. Desinent profundo gemitu PRINCIPEM ROMANI IMPERII SOLEM, GENITOREM TVVM CELSISSIMUM Austriacæ deplorare Aquilæ; viduata suo HERCVLE DVCALIS REGNI CLAVA non amplius suam fortitudinem enervabit Morti; publica Legum & Libertatis Sacraria ereptum sibi à Superis Tripodem, coram Cælo non conquerentur; quia Tu hæc Europæ & Patriæ damna, prodigiosus ex omni Cæsar librato & in hostes ferro, & pro Civibus consilio, compensabis. Restituis Martem extinctum Romulus, Scipionem Africanus, Traianum Nerva, AVGVSTINVM Augustus & PRINCIPES TIARA, & coronatâ Virtutum maiestate GEORGIVS. Sentiet vindicem Tui Martis hastam, cruento confossus vulnere, si excubans contra aureum Regni Nostri pomum, hosticus è latebris prorumpere audebit Draco; videbit conjurata in Lechiæ perniciem Asia, quantus ad extremam illius cladem ex Avitâ Tethyde Achilles prodieris; & tunc primò barbari isti Phryges sapient ad immortale Nominis Tui elogium, postquam ferreis Te Duce plagis vapulabunt. Irrugiet iterum discusso fatorum somno infractus HIERONYMI Leo, & pavore dejecta cadet in adorationem Tuorum trophæorum rabies; Tu verò æmulâ DIVO PARENTI felicitate, Rex eris non armorum tantum, sed & animorum. Reddes pupillis Consiliorum Sanctuarys oracula ipsa loquentem AVGVSTINVM; quando pro Aris & Libertate facundior perorabis Cyneas; & apertum Jani Templum aureâ Prudentiæ clavi obserabis. Prævenis jam nostra auguria presentibus operum documentis; quæ futura fatidico recen-

recensemus calamo, anticipata exhibitione repræsentas; quando non Patrium tantum Orbem, sed etiam disternata longis terrarum finibus Imperia, immensitate Tuæ gloriæ implevisti. Vnus Tibi Magne Macedo non sufficit orbis; cum amplitudinem Tuarum Virtutum Polonia non posset capere; aliud quæsvisti Regnum, in quo sufficiens Tuo animo theatrum reperires. Adijsti Cor Europæ Galliam, ipse LUBO MIRSCII SANGVINIS COR & ANIMA; & tantum Tui inviscerasti amorem, ut avulso Te, vitam sibi eripi autumaret. Plus enim ipsi cum AVITO SRZENIAVA affudisti gloriæ, quam ex illo politissimæ Civilitatis fonte derivasti. Effloruerunt novo decore nativa Galliarum Lilia, cum Nobilissimo AMNIS TUI decursu alluerentur. Puduit illa, Principes Florum, satis ambitioso compellari titulo, cum Principem Tuæ Indolis, ingenij, activitatis, & omnium cultissimarum dotum Florem, Regio suo cultu non possent exæquare; ideoquæ quoties illis Reginam Tuam in Purpurâ Virtutem obiecisti, pavido consternatæ metu pallorem in ipsis folijs testabantur. Applauserunt festivo Tuo adventui docta Parisiensis Sorbonæ Numina: Jam Principi Tuæ fronti eruditæ Academus inclinabat lauros; nisi infensa rebus humanis fata cupressum lauro innexuissent, deposito in tumulum CELSISSIMO GENITORE. Emori pene Tecum videbamus, tanto sauciati vulnere. Iam toto SRZENIAVA liquidos à corde intimo fundebamus gemitus, nisi Tu redux ad solamen orbitatis nostræ, ad CELSISSIMÆ DOMUS auxilia, ad lachrymas Patriæ oculis exhauriendas præstò advenisses. Veneramur igitur in DIVIS CELSISSIMI PATRIS CINERIBUS Te superstitem Calasantinæ Religionis Patrem & Fundatorem. Accusamus iniqua mortis decreta, quod nobis Vitam animæ, animam Polonæ  
Pro-

Provinciae munificentissimum eripuerit Mæcenatem;  
Sed erigimur in melioris spei certitudinem, dum æqua-  
liter in nos profusa Tui **CELSISSIMI SRZENIA-  
VÆ** exundat munificentia. Stetimus à primis erecti  
fundamentis beneficâ Stanislai Palatini Cracoviensis  
Proavi Tui Celsissimi dexterâ in Podolinensi Collegio;  
Cui non satis fuit custodibus sui Patroni Aquilis umbrâ  
nobis sub obtentu alarum providisse, nisi etiam supra  
Rupellam Carpathicorum montium elevâisset; quando  
aureâ pennâ amplissimam votivæ nostræ paupertati in-  
scripsit Dotem. Post **VLADISLAI IV.** Fundatoris,  
secunda hæc in Regno Fundatio, primâ obligatis cordibus  
imposuit Palatinæ gratiæ memoriam. Loquentur muti  
Scholarum illarum lapides, pretioso Vestrarum Charitum  
attacti radio, plus quàm Paterna ad nostri erectionem  
impendia, quod Stanislao Amphione Podolinenses  
Thebæ surrexerint in Musarum ædificiū. Non iam lau-  
ro Delphicâ redimiet, sed coronâ devinctissimorum No-  
mini Vestro Filiorum cinget triumphatricem Lubomirsciorum Munifcen-  
tiam Ressoviensis Apollo. Cynthum ille in sinu Vestro, tripodem in prote-  
ctione Georgij Ducis & Mareschalci Magni invenit; postea à Celsissimo  
Parente Tuo superadditis beneficijs amplissimè cumulatus: & sicut nos Prin-  
cipi Vestre Residentiæ adlateritios fecistis; ita semper à corde habetis.  
Interamnense Collegium, quot alveis in eucharisticon Vestrum dimanabit!  
nominis deductione palàm facit. Hinc Georgio Succamerario Regni fluct  
Oceanus gratitudinis; hinc coronatas immortalibus fertis habebit Classēs,  
que Nomen illius ad felices insulas Fame deportabunt; hinc sole clariùs  
videbit Europa, quod innatum sit Vobis Principes Celsissimi minimam  
Scholarum Piarum Religionem continuatis fovete amoribus. In Vestro  
nata, in Vestro adolevit sinu; Vestro pariter immortalura obsequio

Demississima ad plantas Tuas Principes

Scholarum Piarum  
Polona Provincia.

CAR-

# CARMEN PARENTALE.

**A**rimorum Proceres ! belli Gradive minister !  
Totus inextinctis per quem Septemtrio rixis  
Ardet, & in populis regnant affinibus iræ,  
Nec ponunt sibi fata modum, sed lege sinistra,  
Fascibus impositas patitur Fortuna Secures,  
Tantisper mitesce terox ! violenta relinquunt  
Tela manum, date bella moram; dum iusta Dolori  
Pendimus, & gelido lachrymas affundimus *Amni*.  
Miscentur tumulis Tituli, splendoribus Vmbræ,  
Ausaq; Principibus sese pileare Tyaris  
Iactant Fata caput. Murex pallefcit Honorum,  
Dum formidatos regnatix pallida vultus (est !  
Obruit, & Martis quondam, nunc mortis imago  
Cujus inundantes non pridem cassida cristæ  
Et galeæ cinxere caput, cui Sanguine Thracum  
Irrubuit gladius, dubiæ discrimina pugnæ  
Audaci toties vicit solertia motu,  
Occumbit ! solitoq; prius victoribus ausu,  
Miratur Dux ipse, manum non posse moveri.  
Imperij Sacra Mitra jacet ! Clavasq; Ducales  
Fatorum lex cruda regit ! SRENIAVA refusis  
In lachrymas dimanat aquis ; sua damna Senatus  
Luget, & exanimem Virtus herodâ Strategum,  
Quo toties animata fuit, deplorat ademptum.  
Sic ubi Phæbeam denso velamine frontem  
Tempestat nebulosa tegit, tardumq; moratur  
Vmbra diem, totus tenebris informibus aer  
Squallet, & in riguos lacrymans dissolvitur imbres :  
Ductor ut edomitis remeavit ab Alpibus Afer,  
Romano memores populatus funere Cannas.  
Et positis tumulum Pænus quæsiuit in armis ;  
Indoluit Carthago Duci. Cum Grajus Achillem  
Miles, & Iliacæ desferent Hæctora Matres  
Grassatus per castra dolor ; quin omine cladis

*Extinctos Duces suos,  
Regna & Provincia  
lugent. Sic Annibalem  
Carthago, Achillem  
Græcia, Hæctorë Troja,  
&c.*

*Drusum Germanicum  
Roma luxit.*

*Joannem Castriotum  
Epyrus & Albania.*

*Mors Celsissimi Prin-  
cipis Lubomirscij  
Europam penè afficit.*

*Luget non tantum Pa-  
tria cum Palatinibus,  
Provincijs, Regni Or-  
dinibus;*

*Etiam gentes vicina  
deposita hostilitate in-  
dolent Virtuti heroica.*

*Gallia quoq; luctu sen-  
tit, in Filio Tanti Pa-  
rentis Georgio Lu-  
bomirski.*

Territa collis tremuerunt Pergama muris.  
Quæ Romæ facies! cum Te Germania Druse  
Exanimem Latio, cum lamentabile bustum  
Redderet, & mærens Aquilis Bellona rediret,  
Atraq; Tarpejas pulsaret nænia rupes.

Caucasæ genuere specus, Albana querelis  
Immugivit humus, postquam feralis in Hæmo  
Rumor, & Æmathijs sonuit vox præfica campis,  
Castrियोtо ponente animam; tunc Thesala Tempe  
Funestavit hyems, planxit Rhodopeia Thracè,  
Quin & barbaricas fatum concussit Amyclas.

Hac luctus in morte stupent! nec Patria tantum  
Europè, quod ploret, habet; tot regna, tot urbes,  
Et populis revocata salus, condantur in uno

Funere! Sauromatam suspiria Littavus urget.  
Libertas perculsa tremit, pavidumq; sequuntur  
Fumus, inornatæ, pompâ squallente Curules.  
Tristè gemunt *Gracij Fasces*, Rosiq; Leones,  
*Profna* Palatinis mærens admurmurat undis.

Non *Chronus* sua damna tacet, non littora *Dvine*.  
Luget Eques, Proceresq; togæ, belliq; Iuventus,  
Impatiens lachrymæ, iusto nunc victa dolore  
Cernitur armatos ploratu spargere vultus.

Lechia nec solum pluvijs arentia guttis  
Ora rigat! luctum pariter Vicinia sentit.  
Crudeles etiam tantis mæroribus iræ  
Non renuunt frangi, & duris mollescere fibris.  
Fluctibus in medijs licet æmula ripa Turanti  
Adgemit, imitemq; movent hæc funera Volgam.

Hybernâ quamvis glaciata rigescat ad Arcton,  
Durior in fletum Scythiæ pupilla liquefcit  
Hostiles exuta minas. Moldava Senectus  
Ultorem revocat gemitu; fletusq; Polonos  
Vistula Vandaliæ diffundit in æquora Thules  
SRENIAVA pallente pavens. Gemit ipse Visurgis  
Et propugnati Germanica littora *Rheni*.

Pannonius querulo subtristior amne *Tibiscus*  
Hausta Viennensi lamenta renuntiat *Istro*.

Nec tacitis devolvit aquis hunc *Sequana* luctum,  
Quo flet teste Patrem, magni pars magna Doloris.

Non

Non tenui suprema labant fastigia casu,  
 Majorumq; gemit sonitu majore ruina.  
 Auditur succisa cedrus; dum sternitur ilex;  
 Responfat vocale nemus; Phæboq; cadente  
 Longior in valles à monte revolvitur umbra.  
 Non Tibimet moreris vitâ *Dignissime Princeps*;  
 Sollicitas commune bonum; Mitræq; Ducali  
 Publica Regnorum & Regum, fortuna parentat.  
 Cum fera rixantem findit discordia mundum,  
 Et conjuratas rapit in contraria gentes,  
 Scissaq; fraternis rimatur pectora telis:  
 Ruperunt elementa fidem, discordibus intra  
 Temperiem dirimunt, & vitæ fœdera morbis,  
 Immitiesq; secant, quæ nectunt stamina, Parcæ.  
 O fati leges! atq; adversantia terris  
 Iussa Poli! nimum Superi Te fortè potentem  
 Leche videt, ubi magna Tuæ dant Nomina famæ;  
 Protinus eripiunt, multo permissa labori  
 Exiliq; moræ, Patriæ Solatia, Cives,  
 Lætâq; laurigeros revocant ad Sidera Manes.  
 Purpureus singultat Honor. vix nempe Sepulchri  
 Alternos Lechicus deslevit Scipio casus;  
 Funestant iterum trabeas atrata dolorum  
 Agmina, funereiq; diem cum Sole colores  
 Abscondunt. Moritur Dux murice Summus, &  
 armis

*Moritur inter publica  
 Europa fata & tumultus,  
 ubiq; grassante discordiâ.*

*Non pridem duo Mare-  
 schalci Lubomirij,  
 obiêre.*

*Summos in Repub. Ci-  
 ves eodem tempore fa-  
 tum extinxit.*

Ingens fama Ducum! cui mens, & vividus ardor,  
 Marcellos, Fabiosq; pari virtute coæquat.  
 Invasit Regum turres, & summa Potentum  
 Limina, Magnatumq; Caput, non vile papaver  
 Tarquinium superans fastu Libitina petivit.  
 Sprevit vulgares tenebras, tot Lumina Regni  
 Clausit, & in cineres, lucem pertæsa redegit  
 Umbra. nec erubuit furtivo murice pallor.  
 Quæq; sibi concessa videt, jam sumit in ipsos  
 Iura Duces, Domino falces opponere Marti  
 Audet, & agresti decernere prælia ferro.

Tantané vis timidæ fuerit temeraria morti?  
 Armatas gladijs acies, densataq; contra  
 Agmina bellantum sine lumine & ordine tolli?

*Virtute, & gloriâ fata  
vincit.*

Et nudâ pugnare manu? ruit æmula nempe  
Andabatis, cæco Lachesis victura furore.  
Nec tamen è tanto partis Herodé trophæis,  
Supremum Pæana canet: vincitque, caditq;  
Hic simul. alternum pensat victoria damnum.  
Virtuti quid fata nocent? sub cardine busti  
*Libertatis* amans, nescit captiva teneri.  
Vulnera non patitur, nullo prosternitur ictu.  
Nec feretrû commune pavet; de morte triumphû  
Calcata securus agit, tumuloq; superstes,  
Et major terris, metuenda pericula ridet  
Ille *Animus*, nullâ solitus formidine vinci,  
Qui sese Patriæ toties armatus in hostem  
Obtulit, & forti domuit discrimina passu.  
Haud quidquam debet Lachesi, tentoria præter,  
Corporeamq; domum, tantisper cedere castris  
Morborum cogente dolo, dum perfida vitam  
Carpit, & in spoliis corpus Libitina reposcit.  
Hoc igitur redimi lachrymis, solviq; tributum  
Funebre, permittunt Parcæ. Conferte Dolores  
Si quid adest oculis pretij; si pondera vocis  
Fletus habet. gemmante natet circumflua rore  
Palpebra. Squallentes rapiant sibi serica panni.  
Purpureos, tragico mutari Sirmate cinctus,  
Exutumq; nigris impendere luctibus ostrum  
Digna jubet pietas. Et dum funalibus ardent  
Illustres tumuli, crebris fervete querelis  
Pectora Sauromatum; Proavæ mollescite Cere  
In lachrymas, donec Sacra Mausolæa patentem  
Expediunt aditum, grandisq; reconditur *Umbra*,  
Vnanimis compleret amor. Nunc Lechia Civem,  
Imperium Comitem, Defensoremq; renarret,  
Nunc doleat Bellona Ducem, Prosapia Numen.  
Et Fundatorem, gemitu Calasantia Pallas  
Cælo teste, vocet. mæror nunc militet omnis.  
Et jam funereo gradiens in sirmate, luctum  
Indicit Patriæ; lachrymis crescente SRENIAVA  
Iam pandit sua vela DOLOR, truditq; phaselum.  
Clava regit clavum, pronò delabitur AMNE  
Marschallis nixus Baculis, & remige Famâ.

*Dolor publicus per in-  
undatum lachrymis  
Sreniavam velifica-  
tur ad portum immor-  
talitatis.*



Ut tetigit facili surgentia littora clivo,  
 In quibus æternum non amissura decorem  
 DRVSORVM monumenta patent; confurgit ab  
 Augustæq; gemens infert vestigia moli. (alno,  
 Cedant hîc veteris, cedant miracula mundi!  
 Quid mihi Pyramides jactat Nilotica Memphis,  
 Fatorum si lusus erunt? Ephesina superbit  
 Quid templis Hecate? si vel scintilla timetur?  
 Ne ferat admotos præceps Herostratus ignes.  
 Quid Rhodij Soles? si vix fragmenta Colossos  
 Metiri valeant? Parijs Tibi fulca columnis  
 Mausole busta jacent; terris illisa fatiscunt  
 Pegmata, dum Regum turres mors invida pulsat.  
 Funestavit hyems virides Semiramidis hortos,  
 Et Iovis ampla Domus splendore in rudere quærit.  
 Hîc LVBOMIRIÆ stant immortalia Gentis  
 Limina, prælustresq; aditus, quibus æmula factis  
 Invidies, nec tempus edax, nec fata minantur.  
 Non hîc Phidiaco stylus irrequietior ictu,  
 Non Polycletea sudarunt arte labores,  
 Non acies ferri, non vis operosa Myronum;  
 Illa sed, æternus cui vitam deputat annus  
 Nobilibus Cedris & Lido dignius auro  
 Mnemosynè perfecit opus. Cernuntur Avitæ  
 Signa Domus, solidis instant simulacra Columnis,  
 Historiâ pingente Viros, ac gesta Virorum.  
 Virtutes utriusq; Togæ; deducta sub Hæmum  
 Prælia, cælatus paries & saxa loqvuntur.  
 Indè procul summâ veniunt ab origine Drusi,  
 Imperiumq; trahunt, & cognita Nomina Romæ.  
 At generis Princeps Lecheis Advena Regnis  
 Sarmatico graditur cinctu, præitq; Nepoti  
 Aurelius Druso, sequitur divinior ætas,  
 Christiadumq; fide rutilans. Antonius Agmen  
 Ducit, & hæredem septem per sæcula Stirpem;  
 Armata stat quisque manu, metuendus in ipso  
 Marmore bellator. Verùm quid sidera Cæli  
 Dinumerem? propiora volunt magis Astra videri.  
 Quantus adest oculis, Proavo maturus honore  
 Et Voynicensis, trabæ fulgore *Sebastus*

Mnemosynè, seu im-  
 mortalitatis memoria,  
 perennatura monumē-  
 ta Lubomirijs erigit.

Aurelius Drusus  
 primus in Lechiā  
 venit.

Antonius Drusus  
 fidem Christi suscipit,  
 Anno 1002. septingen-  
 tis abhinc annis.

Sebastianus Lubo-  
 mirski Castellanus  
 Voynicens. Proavus.

Joachimus Lubo-  
mirski Frater Stani-  
slai, Avi defuncti Prin-  
cipis, ad Smolenscum  
cum Sigismundo III.

Stanislaus Lubo-  
mirski Patat. Crac.  
Avus defuncti Castel-  
lani.

Ad Chocimium Osman-  
num domat.

Eidem suprema Exer-  
citiuum clava defertur,  
presente in Castris  
Vladislao Principe.

Pientissimus Dux,  
supra 10. Ecclesias in  
Polonia erigit.

Fundator Collegij Po-  
dolincensis Scholarum  
Piarum.

Georgius Lubo-  
mirski Dux, & Ma-  
rescalcus Regni.

Illustris! Patrio surgit *Joachimus* in ausu,  
Et gladio monstrat victas occumbere gentes!  
Sub pedibus, concussa labant Castella *Smolensci*,  
Præcipitemq; fugam confusus gurgite Volga  
Urget, & Arctoi Proceres, vestigia lambunt.  
Fraterno vicina gradu fastigia molis  
*Stanislæ* premis, *Cracio* præfulgidus Ostro.  
Terribilem adversis, debellantemq; superbos,  
Illustres animant tabulæ, vivusque character.  
Ille minax quondam terror, vagus ille Cometès  
Eoa de parte jubam dimensus ad Arcton,  
Solvitur in fumum, populosis millio castris  
Deficit, abjecto fastu, fractaque revertit,  
Erecta, qui nuper Arabs cervice tumebat.  
Immensas vidit campis horrescere cædes  
Eludi assultus virtute, fatiscere vires.  
Audaces langvere minas, nil arma prodesse,  
Iam veniam cum pace petit, jam lunat adactas  
In cultum cydares rediens Osmannus; & ingens  
Signa Tibi deflectit Eos: Tibi Patria Clavam,  
Imperiumque dedit lituos & tela regendi,  
Ipsaque se Princeps submitit gloria Clavæ.  
Nempè probum fortuna sequi, victoria rectum  
Sævèit certa Ducè. quid enim non vinceret hostes?  
Cujus larga manus Divos & sidera vicit.  
Promovit Comes arma DEVS; quem munere largo  
Sancta Palatini roties pertraxit ab astris  
In terram pietas, magno radiantia sumptu  
Cælitibus, dum Tempa parat, multiplicat Aras.  
Non latet; in valles quamvis deducta profundas,  
Inter Carpathij regitur montana Scepusij;  
Turribus, & summis Tua munificentia tectis  
Assurgit, laudesque Tibi devota renarrat.  
Parte aliâ, tumidi Domino, phalerisque, Veredi  
Terga premens, vibrat pretiosa *Georgius* arma.  
Edomitas victor soleis ultricibus hydras  
Elidit Sonipes. Vecors Erymanthidos hæret  
Bellua, dejectique tacent sub calce Leones.  
Gestorum seriem cum majestate Senatûs,  
Æternaturus color, ac idea perennis,

Exe-

Exequitur, prodiq; oculis. Hinc *Flumina* pugnant

In pelagū; trepidat SRENIAM pallida Balthis.

Hinc exarmatis flet Taurica vincta pharetris,

Indè rebellantes fracta carragine Servi

Mandunt fædifrago victores ore lupatos.

*Pannonia* tumidi decrescunt vertice colles,

Quæque lacessivit præceps, his quærit in armis

Et vitam, & tutum redeundi *Dalmata* callem.

*Mnemosynes* manus urget opus; luctūq; recentē

In planum deducit ebur, jam Scipio dextrā

*Heraclij* regitur, dat eum fortuna, *Josepho*.

*Francisci* jam vivit honos. Heroā renidet

Frōns in *Alexandro*, & Virtus in imagine spirat.

Hæc ubi conspexit pulchro fulgore parari

Signa DOLOR: Proponis (ait) solatia fatis

*Mnemosynè* Regina meis, impendia tanto

Æqua moves operi, fabricans Heroibus ævum.

At me justa gravant, heu! lamentarer iniqua

Lex fati nisi nota foret, Superumque voluntas.

Non moror elogium, Cedris inscribere, vel auro

*Drusus*, vita senex Pylios dum vicerit annos.

Nunc verò tenui spatio, cursuq; dierum

Tot Decorum numerosa pati dispendia; quanti

Materies luctus! non pridem palpebra flevit

Occasus & busta Trium; jam sæva recenti

Vulnere grassatur Lachesis. Nunc attere cælum,

Nunc adamantamove, nunc immortalibus aurum

Sculpe notis, quantus Domino surrexit honore,

Armorum imperio, vivum post funera nobis

Redde Ducem. Comis vultu, nunc ille togatas

Consilij arcēs animet; nunc vindice ferro

Dejectos in humum, soleā calcante veredi

Thracas tundat Eques, Vivos intercipe vultus,

Efforma similes, & dum pretiosa labore

Marmora sollicitas; nostrū, Tibi pandere normam

Munus erit. Iam castra vide funesta dolentūm.

En veniunt! en triste gemunt! da vocibus aures.

*Vandalicis, Scythicis,  
Cosaticis, Hungaricis  
trophæis celeberrimis.*

*Trium Lubomirsci-  
orum fata intra bre-  
ve tempus, Francisci,  
Cap. Olst. Heraclij,  
& Josephi Marc-  
schalcorum.*

*Dolor publicus, Mne-  
mosynen edocet de  
morte Hieronymi  
Lubomirski, simulq;  
monet, ut eundem im-  
mortalitati exprimat.*

*Efformatum Principem  
aternitati Mnemosyne  
ut seriem gestorum e-  
jus discat; Dolor, in-  
ducit loquentem Pa-  
triam, Prosapiam,  
Austriam, &c.*

POLO-

# POLONIA

*Patrem Patriæ & Primum Sena-  
torem extinctum plorat.*

**P**Rima coronatos luctu spargente capillos  
*Lechia* funus adit, planctusq; orditur acer.  
Indulgete meis, crudeles verberare Parcæ (bos:  
Indulgete malis! Belli concussa tumultu,  
Post diras populi cædes, Vrbesque sepultas  
Ruderibus, profugis inter deserta colonis;  
Vix animam, pavidoque trahens suspiria corde,  
Immorior bustis hodie, cum funere *Patris*  
*Tutoris*que mei! dubio discordia motu  
Seditioque biceps, proprijs mea viscera telis  
Dilacerat, gladiosque parant in colla furores,  
Æmula divisos rapiunt ubi prælia Cives.  
Nunc iterum vis aucta redit, nec docta medelam  
Ferre, recrudescunt geminatis vulnera morbis.  
Cum DVCLIS aspecto funus, mihi pectoris excors  
Vita filet, gelidoq; stupent cum sanguine venæ.  
Nos eadem jactura premit. Communis utrique  
Vmbra diem, cum Sole rapit. prosternor eodem  
In tumulum casu. Veluti si, pondere cæli  
Portitor elisis rueret cervicibus Atlas,  
Deciduus lapsum pariter sentiret Olympus.  
Vistula! qui pleno lachrymosus gurgite turges!  
Dic mihi, dic populis, quæ detrimenta revolvō,  
Extinctū quem ploro Ducem? Vos conscia Martis  
Arma, Senatorum vos Laticlavia testor,  
Enarrate Virum, seriemque evolvite laudis.  
Mæror enim mihi verba negat, tamē arida cogam  
Præruptis etiam singultibus ora fateri.  
Hūic ego Natales felici fidere Cunas  
Et Patriam Lucina dedi; mihi reddidit illam,  
Hostibus ereptam Latij virtute Camilli,  
Consilioq; togæ, (Superūm velut axibus Orbem)  
Erectam solide; tutam simul adstite ferro,  
Et Libertatis pretiosam, reddidit, auro.

Primo-

Primores Generis, Majestatisque Parentes  
 Romano de colle vehit, cognata Quirinis  
 SRZENIAVITARVM sociavit Nomina *Drusis!*  
 Majorum titulos, celebrataq; gesta per orbem,  
 Exhibuit virtute pari; nec imagine tantum,  
 (Vt pleriq; solent) sed Avos hæredibus ausis,  
 Patritiosq; manu propria signavit honores,  
 Dignus gente Nepos; primo qui flore juventæ  
 Ceu suavem peragrans exercitus aliger Hyblam  
 Jam violis, jam labra thymo, fragrantia pascit;  
 Ille per historicæ pariter campestria chartæ  
 Exspatians visu, relegens documenta futuri,  
 Pacis & armorum didicit feliciter artes.  
 Sive redaccensam prudentia lumine mentem  
 Tergeret innubi, rectoq; prodesse doceret  
 Consilio, vocis seu libera jura Polonæ  
 Flecteret, & dominos regeret moderamine sensus.  
 Tarpeja qualis Fabius Dictator in arce  
 Prætextatus adhuc potuit conferre Senator,  
 Et senio jam digna loqui; regina stupebat  
 Libertas, reducem Pyrrhi mirata Cynæam.  
 Hunc ubi suadentem Lechici audivere Quirites,  
 Creditus Arpinas rationes promere belli,  
 Aut pacis planare viam, cohibere rebelles  
 In Patria motus, conjuratisq; timeri. (nobis?  
 Quis tibi tunc Othomanne metus? quæ gaudia  
 Cum *Lubomiræ* commissus Scipio dextræ  
 Bella minaretur Scythiæ, contraq; Gelonum  
 Arma triumphali nutu decerneret Hæmum:  
 Aut eluxatis crebro luctamine belli  
 Viribus, Arctoo respiria quæreret orbi,  
 Expulsamq; procul terris & in astra receptam  
 Suavibus illicijs revocaret ab æthere pacem.  
 Allobrogum facunde stupor! Regisque diserte  
 Liligeri Torquate files! montana Sabaudæ  
 Obvia Pyrenes cui surrexere loquenti;  
 Tardus Arar sistebat aquas, & Sequana blandis  
 Fluctibus adlambens geminæ dedit oscula ripæ.  
 Ereptura decus Lechiæ devinxit honore  
 Promptaq; congessit pretiosos Gallia torques.

*Vetustissima Lubo-  
 mirsciorum Prosapia  
 à Drusis Romanis.*

*Prima ætas Principis,  
 pacis & belli artes  
 discit.*

*Ad publicos Regni  
 Conventus Nuntius à  
 Palatinatu Cracov.  
 frequentissimè desti-  
 natur.*

*In publicis Regni Co-  
 mitijs Marschalcum  
 agit.*

*Regis & Reipub. Le-  
 gatus ad Ducissam Sa-  
 baudia, & ad Gallia-  
 rum Regem, à quo  
 aureo torque donatur.*

*Armis juvat Patriam,  
secutus Joannem III.  
Electum Regem; ab  
eodem in Comitibus Co-  
ronationis Vexillifer  
Regni declaratur.*

*Cosacos domat ad Win-  
nicam.*

*Excisa Civitate re-  
belli, Cosaci se muni-  
tissimo Templo inclu-  
dunt.*

*Ibidem, recusantes de-  
ditionem, expugnantur.*

SicTua me consulta juvant, sed & arma tuentur,  
Victor ubi domito Chocimenses Bistone laurus  
Vicinum Sceptri radijs Titana secutus,  
Terrifico mucrone metis, solitusq; frequenter  
Castrenses tractare Aquilas, asvescis Honori,  
Rege coronato, Lechici VEXILLIFER orbis.

Cum famuli furerent motus, cum triste pararet  
Exitium rurale chaos, ceu vipera matri,  
Auderetq; suas gladijs opponere falces,  
Et scelus Aede Sacra clausum, velut arce, tueri,  
Impatiens servire genus, victore fatigas  
Alcides humero, Lernæas terror in Hydras.  
Conscia feralis Tibi quis Winnicia pugnae  
Sensus erat? tunc quando (tuo vel nomine teste)  
Victa fateretur Domino cogente reatum,  
Gens inculta quidem, rudibusq; exercita rastris,  
Ambitiosa tamen, conatibus ausa superbis,  
Sarmaticos inter Proceres ambire Senatum.  
Agricolæ quondam Romæ juga nempè sequentem,  
Non infæcundis operoso Consule campis,  
Rustica Rosiaci voluit Bellona Coloni  
Fortunam captare parem: pro vomere tela  
Sumpsit, & iratas vibravit in arma secures  
Bobus adempta, velut cervici frena daturus  
Quinctius abjecto fieret Dictator aratro.  
Agnovit, tardèque furor se in sanguine vidit  
Fæditragis penitus cæsa cum stirpibus urbe.  
Dum flueret torrente cruor; tunc proxima morti  
Barbaries, Divina petit, tunc pallet ad Aras  
Territa, munitiq; subit fastigia Templi.  
Objicite ingentes fossas, tumuloq; parate  
Exhausta tellure, locum, confidite muris;  
Altaq; Caucasos in valla reducite montes,  
Securum sceleri nunquam præstabit asylum.  
Det spatium fortuna licet, graviora moretur  
Tela manu, clypeoq; brevi defendat inermes,  
Invenient sibi fata viam, sibi vulnera pectus,  
Invenient nocui pænas, & pæna nocentes.  
Expugnati aditus, exuta rebellio castris,  
Perfidiam vel cæde luit, vel vindice flamma,

Aut juga servili tulit indignantia collo.  
Incolumes victrix oleas clementia misit.  
Sprevit inhumanæ præceps vecordia gentis;  
Ergo taxus ei, victori laurea cessit.  
Scilicet adversans Divis, debebat ad Aras  
Impietas totum profundere cæsa cruorem.  
Fregimus Æmathio stipatum milite Martem,  
Nulla cui suasit justos injuria motus;  
Sola propinandi sitis inflammata cruoris  
Regnorumq; fames furias excivit ab orco,  
Castraq; Moldavis jussit disponere campis.

Arva propinqua Tyræ, nostro possessa labori  
Aggreditur, vanoq; spei jam devorat ore,  
Iam gladio signat metas, & limite profert  
Longius imperium. Quippè rabiosa Tyrannis  
Quâ semel exarsit, nunquam compescit orexim,  
Quidquid habet, minus esse putat, majora palato  
Arrident avidis satiari nescia lucris.

Potus hiat, tantumq; cupit, quantum hausit avarus.  
Ivit in adversas Sobiescia Gorgones Ægis  
Defensura meum validis obtentibus orbem.  
Ducit in arma Viros, quos illice gloria nutu  
Et Patriæ reparanda salus monet ire sequaces.

O quantum adsultavit aquis *Lubomirius Amnis*!  
Cum sese aggeribus præceps infunderet illis,  
Nuper ubi dextris avibus, ridentibus Austris  
Fortunam Patriæ victrici vexerat Argo.

Vtq; Nepos campum, lauru conspexit avitâ  
Florentem repeti, proavisq; virescere palmis;  
Pectore magnanimo fortes ardescit in iras.  
Totus Avum, Patremq; refert, vultuque manuque;  
Talibus incendens animum: si profuit unquam  
Majorum comitante sequi vestigia passu;  
Nunc mihi profuerit, nunc arva loquentia pugnâs  
Et proavis manibus plantatas cernere lauros.  
Hâc ibat Simois, hâc barbarus ibat Araxes  
Advena Strimonijs stetit hic exercitus oris.  
Hâc domitor processit Avus, ductoreq; passu  
Lechica signa movens, aciem calcavit Eoam.

Arma

*Ad Chocimum Turca  
metatur castra, Ukrai-  
nam nobis eripere  
volens.*

*In eodem campo, quem  
Avus Stanislaus Lu-  
bomirski victorij  
signavit, arma contra  
Turcam vibrat.*

Arma sequamur Avi; *Druforum* præduce famâ;  
*Druforum* virtute cadat, qui concidit hostis.  
En clypeata seges, rigidæq; hastilis aristæ  
Hoc ferrum expectant, hoc in obvia colla ruamus,  
Destinat hostiles messi fortuna maniplos.  
Dixit: & implexas cydares rimatus ahenò,  
Dux alijs, sibi miles erat. Non ille ciebat (ces  
Voce prius, quàm Signa gradu; simul ore, sequa-  
Et gladio præcessit equos: armabat inermes  
Vindicijs animos, ultoreq; Numinis ausu,  
Odrisix terror Lunæ, tot funera stravit  
Pugnaci dejecta manu; quot contigit ense.

*In Austria, pro Impe-  
rio & Christianitate  
preliatur.*

*Declaratus Mareschal-  
cus Curia Regni.*

Promovit Bellona pedem, transcendimus Alpes  
Norica terra tuas. fractis cervicibus hæsit  
Bosphorus. Imperij Sacram defendimus Arcem.  
Hinc meritis comes ibat Honor, quæ Curia Regni,  
In dubijs Columen rebus persensit, eundem  
Publica Regnantis fulturum pondera Sceptri  
Scipio porrectus manui deposcit Atlantem.  
Non ego jactanti Cives & bella Quirino  
Invida *Cornelios* rapiam, quibus Africa famam  
Dedicat, & titulos manceps Asiaticus auget;  
In *LVBOMIRIIS* radio meliore coruscant  
*Scipiada*, pacis Soles, & Fulmina belli.  
Meta Mareschalcæ, nec erant extrema, Columnæ  
Accessere novi geminato murice fasces.

*Tandem Thesaurarius  
Regni.*

In varijs experta fidem, pretiosaque Magni  
Advertens merita *HIERONYMI*, non vile dicavi  
Tutelæ pretium. Illi *Thesauraria* Claves  
Crediderat Fortuna meas, atq; aurea Regni  
Libertas commisit opes. defenderet aurum,  
Aurea Pannoniæ Getico qui poma Draconi,  
Raptaq; Germani vindex æraria Sceptri  
Eripuit; Patriæ gazas expenderet ille,  
Qui proprii toties dispendia Sanguinis egit  
Propugnans commune bonū. Tunc præter Iberos,  
Vistuleis, *Srzeniava* Tagum superaddidit undis,  
Nostraq; felici ditavit littora censu.

*Patria Srzeniavam  
appretiat, fluvijq; au-  
riferis præfert.*

Tunc madidas contempsit opes; divesq; rubenti  
Erubuit Pactolus aquâ; tunc Lidia victis

Flucti-



Fluctibus indignans, aurum volventia, torvo  
Illa Midæ veteris, despexit balnea, visu.  
Ipse manu, Sceptra tollens Regale, tridentem  
Spumofumq; caput, terras prospexit & undas  
*Nereus* inclamans: ô gens affinis aquarum  
Neptuniq; domus, varijs circumflua terris,  
Non inopem te credo quidem, de munere fortis.  
Flumineas Thetis miratur Iberica gazas,  
Et pretium reperire domi, nec habere fodinas.  
India Gange tumet, Nympe Gangetica gemmis.  
Ambit Erythreas præstantior unio conchas.  
Pallet aquosa genis, at sæpè Ligustica Doris  
Addit inornatæ rubicunda corallia formæ,  
Littoreis electra legit projecta saburris,  
Inter hyperboreos, Balthis celebrata Triones.  
Purpureis Aurora fretis, Pontusq; superbit  
Murice, Sidonijs tincturo vellera guttis.  
Vincimur ô gentes aqueæ! fluviatile vulgus  
Vincimur! Eridanum superavit, & Istula Gangem.  
Iam mea Sceptra tenet *Fluvius regnator aquarû.*  
Iam vilescit inops *Hermus*, *Srzeniava* triumphat,  
Thefaurum Patriæ pleno dum gurgite desert.

*Neptunus primatum  
Srzeniava cedit.*

Finijt, & cedit primatum *Nereus Amni.*  
Hic mihi præ reliquis fuerat, cui credita fortis  
Cymba meæ, tuto direxit carbasa flatu.  
Ingruerant Pelago validis adversa procellis,  
Prædariq; meam non unus Colchida Iason  
Per liquidum properabat iter. Deterrita fatis  
*Hieronymum* supplex adij; Clavamq; Ducalem,  
Et sparsas acies, (juvat heu! mea damna fateri)  
Serò nimis, post bella dedi; tunc danda fuissent  
Iura Duci, cum parva minùs discordia posset.  
Ille nec hîc deerat, licet illi Signa deessent  
Concordi non juncta fide. Quid livor inique  
Tela paras? expende vices, & tempora rerum!  
Laudabis, quæ facta notas. Mars exterus arma  
Ducit ubi victore gradu, profugosq; secutus  
Regnorum sese medijs inviscerat oris,  
Tunc rudibus dare tela viris, augere cohortes,  
Exercere manum, quid vanos juverit ausus?

*Patria Clavam offerri  
in summo Regni tumultu  
& disfidij.*

Tunc, ubi divisis affectibus imperat ira,  
Quiq; petunt hostem, sibi mutua prælia dicunt,  
Hic pugnat, latet ille mucro; dum castra tumultus  
Et Mavors Civilis habet; nec scitur, an hospes  
Attonitæ miles domui succedat? an hostis?  
Et tamen hos fluctus inter, mediasq; charybdes,  
Remige servato, ventis pelagoq; timeri,  
Naucleri prudentis opus. Narrabitur orbi  
Vis matura Ducis, servataq; Civibus ætas,  
Quæ laurus & bella dabit non dispare voto.

*Lechia Honorem adit,  
à quo Celsissimo Cam-  
pi-Duci, Castellanatus  
Cracov. Et supremū  
armorum Imperium  
defertur.*

Virtutem stupui solidam, simul ampla petivi  
Tecta Coronarum, nataleque limen Honoris.  
Hic Fasces conquesta pigros, trabeasque jacentes,  
Admonui pensare moram. Surrexit ab alto  
Frenatosque *Honor* intorquens temone jugales  
Bellica pacifico subiit tentoria curru.  
Ille triumphali metuendus acinace, densas  
Pervolitans acies, nunc protendebat utrinque  
Cornua, nunc aræto ponebat in ordine turmas,  
Et pedites certâ statuēbat lege phalanges.  
Eminuit cristatus apex, sculptura refulsit  
Terstor armorum. Vivax cervicē veredus,  
Herousque Ducem signabat in agmine terror.  
Mox lateri successit Honos, & pulvere belli  
Resperfo fabulo, pretiosis Fascibus Ostrum  
Compfit, obarmatæ detergens frontis anhelos  
Murice sudores. Primâ, quæ, luce Senatū  
Purpura, ceu Princeps, ornabat, lumina sidus  
Emeritū complexa Ducem, propè Sceptra locavit  
Regali trabæ, Majestatique propinqvum.  
Præmia longævi meruerunt tanta labores,  
Condigno sat digna dedi, majora parabam.  
Summus apex fuerat. potuit tamen ille Coronis  
Crescere, ni Patriam Clavâ defendere mallet,  
Quam Sceptris miscere Tonans discordib9 orbem.  
Sed quid eheu! refrico, laudato vulnera luctu?  
Quid nondū extinctum geminant fomenta dolorē  
Ad gelidos *Cineres*? Habui Patremque, Ducemque,  
Amissum ploro. Communi vivere sensi  
Quem gavisus bono; Vixit, decedit utrique

*Primâ Senatū pur-  
purâ decoratur.*

Parta salus. geminæ bustis accedimus umbræ!  
Egit ad obsequium Patriæ tot lustra; sed egit.  
Iam queror absentem, jam funera sola supersunt.  
Spes abiëre meæ. Nec Te felicibus astris  
Invideo, dignos veneror mercede labores.  
Affulge, quâ parte voles prænobile Sidus,  
Et medias habita lúces. nostrumque sereno  
Orbem cerne die. Fama immortalè perenni  
In succéssuris mihi vivè Nepotibus ævum.

PRINCEPS PROSAPIA  
HIERONYMUM AUGUSTINUM  
LVBOMIRSCIVM  
*deplorat.*

**A**dstiterat Lechiæ, velato lugubris ore,  
Et consanguineo circumstipata Senatu,  
In luctum dejecta tenens LVBOMIRIAS Arma.  
Ordine confuso (nam talem funera poscunt)  
Assistunt lateri mutato Numina cinctu.  
Sidoniæ cecidère togæ, funesta lacertos  
Umbra tegit, lamenta Viris etiam exprimit angor.  
Dant lacrymas, licet ora manu lacrymãtia frenent.  
Illa Palatinos madidato lumine cætus  
Intendens: Oculisné, (ait) an luctante dolori  
Ore querar? deplorandis admota feretris  
O Spes! ô nostræ Majestas inclyta Gentis!  
Ingens illa mei fuerit fiducia voti,  
Non tamen eventu subterfugit irrita vano,  
Quâ Tibi supremos optabam provida fasces;  
Vt Patruo, Proavoque Nepos gradereris honore  
Celsior, antiquisq; dares nõva lumina Ceris.  
Possedi donante polo, quæcunque poposci,  
Teq; paludatos inter subsellia Regum  
Præcessisse togã vidi primate Quirites,  
Purpureum rexisse latus; pariterque Gradivo,  
Ac trabeis egisse Ducem. Quæ gaudia nostram  
Implevère Domum! quantos promissimus annos!

*Armorum & Senatorũ  
Dux, primus Senator in  
Statu Seculari.*

Heu rerum non certa fides! breviantur in uno  
Sæcula momento. Tragicum fortuna cothurnum  
Sumit, ut assurgat, punit solatia luctus.

Huc oculos, huc ora, precor, convertite *Drusi*,  
Hic spatium famæ, quam celso vertice crescat,  
Cernere, & immensâ metiri juverit *Umbrâ*.

*In Lubomirsciorum  
Domo varij & Magni  
honores.*

Augusti nostram, fateor, dignantur Honores  
Sæpè manum, fulsit dives *Majoribus* Ostrum,  
Vellere præclari Tyrio fulsere Nepotes.

Explicuit Vexilla manus, Regnique Ministris  
Tota videbatur dominari Insignibus ætas.  
*Drusorum* Domui venere faventibus alis  
Sarmatides Aquilæ; vix non ab origine gentis  
Scipio Regnantis felix antea mbulo Sceptri  
In nostris crevit manibus; dotale Polona  
Depositum fortuna dedit. Nos Clava poposcit  
Sæpius; Imperijs heros reximus enses.  
Sat *Cracius* tulit Illustrissima sidera Murex,  
Luce *Palatinas* exornatura Curules.

*Majores præcedit hono-  
re, & Avum Palat.  
Cracovi. factus Castel-  
lanus Cracoviensis.*

At præcessit Avos; nec enim vestigia Patrum  
Contentus virtute sequi, majore præivit  
*Hieronimus*, vicitque gradu. Splenderet ut orbi  
Magna Domus, Proavi Solem provexit Honoris  
Altius, intenditque jubar, primosque vibravit  
A Solio radios, titulis & murice Princeps.

*Ad honores, gradu me-  
ritorum processit.*

Sarmaticas armavit Aves, campoque Gradivi  
Afsvetas, docuit jaculari fulmen in hostem.  
Celsa Mareschalcæ tenuit gestamina dextræ;  
Libertatis opes censu nutritivo alumno;  
Iura dedit gladijs, gladios & funera victis,  
Supremum conscendit Ebur, culmenque Senatûs.  
In plures partitus honor, collegit in uno  
Munera. Sistit ubi multis, hinc promptior illum  
Ad summos apices duxit fortuna gradatim.  
Hoc fulsit cælum omne Domûs Titane. Sed eheu!  
Occidit! haud ullo Sidus revocabile fletu.

*Domus tota luget occa-  
sum magni Sideris.*

Ac, velut emensum spatij illustribus orbem,  
Flammivomis prægressus equis, terræque calentes  
Largitus radios, tumultum sibi quærit in undis  
Cynthius; umbroso luctum testatus amictu

Vesper

Vesper adest; Surgit Phæbè, palletque marito  
Tristis in occasu. Dominum tunc luget Orion,  
Tunc magis intendunt oculum, funusq; Parentis  
Nictantes pavido prospectant lumine stellæ.  
Vos pariter lamenta decent Illustria cæli  
Astra mei, cum luce diem, rapit umbra sepulchri.  
Solis ad occasum vigiles adstate Planetæ!

Amotis, utinam, caput eluctabile bustis  
Erigeres ô PRINCEPS! aspecturus in uno  
Funere tot gemitus. Viduos mærore sodali  
Affligit thalamos feretrum, myrteta Cupressi,  
Extinctasque thori, mutant funalia tædas.  
Prole PARENS comitata velut Dictinna minores  
Igniculos inter, defuncto Coniuge pallet.

Eja! sed! effusos tantisper Pignora fletus,  
Et singultantem compescite pectoris æstum;  
Sollicitas aures, tumuloq; affigite mentem,  
Patria quid magnis Hæredibus *Umbra* loquatur:

Tangunt, hæc Vestri luctus impendia, Manes,  
O Soboles! pietate memor, quem palpebra luget  
Exanimem, Cor spiret Eum. Licet ultima venit  
Communi mihi lege quies, Tu grata Propago,  
Moribus & vitâ fac semper vivere Patrem.  
Ingenuis ducat Majorum prodroma Virtus  
Passibus, & pulchros animum succendat in ausus.  
Aspiret votis cælum, Superiq; secundo  
Indolis eventu, præfagia certa coronent.  
Pro Patria, cataphractus Eques, quos educat Hæmus,  
Aut Bizantinos Rhodopè monstrosa Dracones,  
Invicta prosterne manu. Mæotidis angues,  
Lunatasq; styges, domitor compesce GEORGI;  
Præcedat tranquilla diu Fortuna IOANNEM,  
Et descendentis comitetur *gratia* cæli.

Euphratem, Gangemq; domet populator Eoi  
Solis ALEXANDER, (nomen si fata relinquent)  
Fascibus & fastis Genitorem vince Philippum.  
Hæc Patriæ ingeminant Vrinæ, lacrymasq; frequenti  
Eliciunt oculo. Nec Te cognata GEORGI  
Non lugere sinit pietas. Sibi magna IOSEPHI  
Decrevisse putant magno solatia damno.

*Parentat lachrymis  
Confors thori, Illustris-  
sima Castellana Cra-  
coviens. cum Prole  
mæstissima.*

*Celsissimi Parentis  
Manes bene ominan-  
tur Filij.*

*Lubomirsciorum  
Domus tota luctum in-  
duit.*

Dat MICHAEL ad Iusta libras ; sua pōdera quippē  
 Luctus habet gravior. Patruo THEODORE parētas!  
 Vuln9 hic est FRANCISCE Tuū ; nā vibrat acerbo  
 Tela dolor. Crescit IOSEPHI nomine luctus.  
 Plejades occiduum Solem, Domus atra Parentem  
 Hēctora, Sarmaticum plorant Herodā Lacænæ.  
 Attonitus mærore stupet, totusque rigescit  
 In gelidam Nioben, tanto de funere *Sanguis*.  
 Flere jubet, cogitque, frequens violentia fati.  
 Sæpē redux, gravior jactura ; nec ulla ferocit  
 Plaga magis, quàm crebra nimis. Vix ille dierum  
 Arbitr, emensis aliquot gyraverat Astris ;  
 Heu spatio sat longa brevi, dispendia sensi.  
 Damna velut traherent anni, semperque nefastus  
 Climaēter, fato non respirante veniret.  
 Vix Soles abiēre aliqui ; tot busta, tot Umbras  
 Quærimus & querimur. *Cineri* confusa sepulto  
 Infortunatis decurrit clepsydra lustris.  
 Tot vitam rapuēre Viris, quibus ordine tardo  
 Volvere debuerant adamantina stamina Parcæ,  
 Heu! nimis adversi riget inclementia fati,  
 Si ferale jubet solvi vectigal in annos :  
 Indulgete precor nostris o Sidera votis!  
 Nestoreos vitæ currus mandate rotari,  
 Amplaque Sarmaticis impendite sæcula *Drusis*.

Intra breve spatium  
 plures Lubomirij de-  
 functi.

**AVSTRIA PROPUGNATA**  
*S. R. I. Principem, Defensoremq;*  
*obijisse dolet.*

**A**rmorum in strepitu funestæ nuntia famæ  
 Vulgantesq; tubas, pavidâ vix cōbibit aure,  
 Et didicit *Comitem* extinctum, mandat eburnos  
*Austria* produci currus ; Aquilasque bifrontes  
 Imperij, cogit dominis assvescere frenis.  
 Prægreditur montes, riguas & flumine valles,  
 Æthereum decurrit iter. Simul attingit Arcton  
 Vistuleam ; densas acies, pharetraque Lechi

Agmi-

Agmina, circumagens curru, pullata petivit  
 Limina, & illustres Ceris ardentibus umbras.  
 Attonitos Procerum vultus, squalentia nigris  
 Cernit castra togis, pavidæque silentia pompæ  
 Talibus abrumpit: *Comitum* præsentia, Princeps  
 Imperij, vindexque meæ tutela Coronæ!  
 Luctibus associo luctus. Ingrata videbor  
 Fors cui, si revocent ipsi benefacta dolores,  
 Impensoq; mihi lachrymas pro sanguine fundam:  
 Non tamen exactos (ter Celsi, credite *Cives*)  
 Danubij ripis, & Rheno teste labores  
 Vocibus, aut linguæ tenui mercede paciscor.  
 Inhibata manent dignarum præmia laudum,  
 Æternis inarata notis, memorique Minervâ.  
 Publica flere jubet pietas, dumq; arma feretris  
 Adspicio dejecta vehi, succumbere fati,  
 Vindicibus nuper gladijs mea fata levantem;  
 Verba rapit, sævusq; acuit suspiria mæror.  
 Ergo triumphales, umbris superantibus, ignes  
 Dux extincte cadis? quo Vindice nuper ad Istrum  
 Surrexit fortuna mihi, medijsque fatiscens  
 Ruderibus, stetit integritas immota. Tuamné?  
 Mirari venio mortem, cui debeo vitam?  
 O! si quæ superest tacitis præsentia bustis  
 Notities Letho? tranquillæ cernite Manes.  
 Imperium quis luctus obit, mæstisque vagatur  
 Urbibus; omne forum populosa murmurat unda  
 Defunctum narrante Ducem. Sacra Divum  
 Cælestesque aditus, non sventa silentia terrent.  
 Facta metu quodam gelidantur saxa Viennæ.  
 Percussis turrata tremunt fastigia conis,  
 Et spectant pavidos arrecto vertice campos,  
 Raucaque præfagis lugent tinnitibus æra.  
 Iam *Lunas* rediisse putant, Scythiæq; pharetras,  
 Iam circumfufis replere phalangibus arva,  
 Et Flaviam validis præcingere sæpibus Urbem.  
 Confusus trepidat fugitivis fluctibus Ister,  
 Barbarus instaret Phario quasi navita conto.  
 Sulphureo torrente ruens urgere procella

*Imperium fato sui Principis inoleo.*

*Imaginetur sibi redire obsidionē, Turcarum Viennæ memor.*

Fulmen,

Fulmen, & ærisonæ fauces ructare videntur.  
Ceum rueret, flammæ, fœcundaq; machina stragis.  
Effossis procul arma vijs, terræque meandris,  
Mœnibus inferri tacito creduntur ab hoste,  
Vulneris & lethi veluti contemptor in alta  
Surgeret Odrysius pede propugnacula miles,  
Retrususq; novo fureret vehementior ausu,  
Captaret manibus turres, vexillaq; muris  
Figeret, audaci per strata cadavera nisu.  
Belsarabû, Dolopumq; metus vel imagine terret.

*Principem defunctum  
vivere effingit sibi  
Vienna, qualem olim  
pro se pugnantem vi-  
dit.*

*Hieronymi* vocat arma pavens, *Clypeu*que Vienna.

Et cui prostratis nuper plaudebat Achivis,  
Hunc licet exanimem, rursum sibi vivere censet.

Iam summo spectare putat de colle volantem,  
Decertaturas Geticis, animare phalanges,  
Iam terrore sui, vel nudi fulgure ferri  
Sectantem Scythiæ genios, per hiulca cadentum  
Corpora, barbarico gladium demergere tabo.

Auroræ jam signa fugat, respergit herili  
Iam sanie Cydares, lunatos calcat acervos,  
Iam Victor cum laude redit, respirat ab æstu,  
Imperio vires, animamq; redintegrat Viri.

Talis adest oculis. Sed cheu deludimur Vinbra!

Qui fuerat, jam totus abest. Iacet ille Tibisci  
(Pannoniæ montana tremunt) defensor, & Istri!

*Vltra Moravam flu-  
vium 8. Turcarum,  
& 12. Scytharum mil-  
lia, junctis cum Lotha-  
ringo copijs fundit &  
fugat.*

Ille Comes, *Lotharinge* jacet, cui fœdere pulchro  
Arma triumphatum sociasti nuper in hostem.

Pallet adhuc Moravæ Thetis, trepidatq; referre,  
Sanguine quam largo rubuit, dum provida lucri  
Prædarumq; rapax; fines populata Quadorum  
Cædibus & ferro; Vestro, manus ardua Thracum  
Porrigeret supplex herbam vitamque Gradivo.

*Grassantes Turcarum  
excursiones cœrcet.*

Ille rubris Arabum Coluber deductus arenis,  
Iam propè lethali carpebat viscera morsu:

Suppetias mittebat amor, sed clausa viarum  
Limina discrimen tenuit, nec castra subibat  
Miles adhuc, & jam solitus pugnare viator  
Threijcijs præventus equis: restringere flammam  
In summis volui tectis; sed proximus ignem  
Vcalegon sensit, pagos populante favilla.

Extin-



Extinxit fomenta mali, pepulitq; venenum  
Vulnere, nec totum fivit pervadere corpus  
Obvia Strimonijs Virtus LVBOMIRIA signis.  
Quòd vagus in Mænum non exundavit Araxes,  
Ferreæ Bistonix quòd *Rhenus* cornua Lunæ  
Mutatis non vidit aquis, nec territus undâ  
Æthyopes Arabasque nigros expalluit Albis;  
SRZENIAVÆ referat: qui non impunè vagantem  
Theutonicis Asiam domitor divertit ab agris.  
Ne *Nicrum* potaret Arabs, aut accola *Nili*  
Iret ad usque *Salam*, ne portentosa Propontis  
Castraque terrent profugum pellita *Visurgim*.

Ille viam montes & per deserta, IOANNI  
Fortibus auspicijs, victoreq; Marte parabat,  
Mensus iter, quo tuta brevem victoria passum  
Cum Lechicis ferret Signis; docuitq; feroces  
Bistonis assultus, in primo limine frangi.  
Hæc revoco, funesta, gemens, bustisq; parento  
Austria mæsta Tuis. Nec Tecum fama sepulchro  
Conditur; assurget multis innixa trophæis.  
Te, populi servata salus, erepta furori  
Præda Bisurmanno, memori testabitur ævo.  
Te propugnatae certabunt scribere pennæ,  
Formabitque manus victricibus æra figuris,  
Et grave Praxitelis describet prælia celte.  
Gaudebit narrare senex laudata nepoti  
Bella parens, nostras egit quæ Drusus ad Alpes.  
Auster & Imperium scribet Diplomata *fame*  
*Principis*., æternis inserto Nomine fastis.

## MILITIA POLONA SUPREMUM EXERCITUŪ DUCEM *Amissum queritur.*

**B**ella cruentatis postquam volitantia campis  
Ereptum sensere Ducem; Clavasq; referri  
In spoliū Lachesi demirans vidit *Enyo*;  
Excedit pugna, Lechicis accincta catervis,

F

Fune-

*Ne in ulteriorem Ger-  
maniam Turca pro-  
curreret, armis ob-  
stitit.*

*à Joanne III. ad Vi-  
ennensem expeditionē  
præmissus, gloriose &  
triumphaliter prævit.*

Funereos visura rogos, Heroaq; dignis  
 Contendit citius deploratura querelis.  
 Pectus ei thorace riget. formidine vultus,  
 Tristitiã geminante minas & nubila frontis.  
 Ut licuit Proceres ac lamentabile bustum  
 Attonitis mirari oculis; ter cuspide terram  
 Verberat hastatã, tollitque frequentius armos  
 Triste gemens, iterum fixis obtutibus hæret.  
 Et filet, & tacito confusa remurmurat ore.  
 Perrupit vix frena dolor, linguamq; resolvit,  
 Lenior irarum, mediã de casside vocem  
 Extulit: armatos equidem mea lachryma vultus  
 Dedecet; imbelles hæc ornet gemma Dianas.  
 Flere tamen Monumenta monent, tardisq; moveri  
 In lachrymas oculis, extorquent funera planctũ;  
 Extorquent lamenta mihi. Ducis Vrna meretur  
 Præfica, ut *Alcida* Lechico, Bellona parentem.

In arte bellica tempe-  
 ric quãdam insigni,  
 Ducib; antiquis præstat.

Virtutis meminisse iuvat, quã judice nutu  
 Ardua bellorum prudens momenta librabat  
 Arbitr, & nôrat sine taxo, quærere laurum.  
 Per cædes, cumulosq; Virũ, Samnitibus instat  
*Attilius*, verũ Romani sanguinis haustu.  
 Prodigus arguitur Consul, dum funera victus  
 Parcius enumerat, sentit dispendia victor.  
 Annibalem Carthago vetus jaçtaverat orbi  
 Alpibus infractum, formidatumq; Latinis,  
 Felicem toties fusã cum Consule Romã.  
 At serò didicit, quantum docet hostica tellus  
 Cautius arma geri, patrijs egressa stativis.  
 Marcellus pugnare ferox; at sæpè laborat,  
 Suppetiasq; petit, celeri præfervidus æstu.  
 Præcipitem tardo Pænum certamine frangi  
 Ostendit Fabius, sed ubi cunctatur & hæret;  
 Fortius assurgit, castrisq; repullulat Afer,  
 Et trepidas audent portas pulsare Quirini.  
 Corneliæ virtutis apex, & gloria gentis,  
 Scipiadæ, bellis Asiam Lybiemque fatigant;  
 Ast odium meruere domi, nec Principe Cives  
 Affectu vicere togas; alterque sepulchro  
 Quærit humum, Domitor terrarũ, victor & exul!

Hoc Duce temperiem Virtus Fortunâq; junxit.

Externo quam tela solo prudenter adegit,  
Pannoniæ montes, & testis Dalmata dicet.  
Quam celeri sumpsit, finivit & alite pugnâs,  
Acta Zoravnenfi mirantur prælia Campo.  
Cum levibus pharetris, loricatasq; trilici  
Non graviter tunicâ ducens ad valla cohortes,  
Tempestivus adest. Orituro Sole, feroces  
Auroræ populos, & Martem fundit Eoum.  
Promptum subsidio vidit *Camene* rupes  
Æmula tunc Lechis, ubi portis ultor in ipsis  
Excutit Odrysiis prædam cum fœnore dextris:  
Demptaq; captivis, imponit vincula Thraci.  
Edocuit prudente gradu *solertia* tolli,  
Præcipites nec inire vias. Iam plena Gelonis  
Sarmatiæ Princeps infuderat agmina castris;  
Stare *Lubomirium* voluit, profugasq; morari  
Bessarabum Lunas; Nec segniter ille retardat  
Bistona. Ferratas acies, murumque fugaci  
Obijcit, ac iterum mortes absumere cogit.  
Tunc laurû mora pulchra dedit, tunc profuit hoste  
Expectasse foris. Fabium tunc Lechia vidit.  
Denique servatos Cives tot bella loquentur,  
Quæ non armorum rabies, non impetus iræ,  
Sed prompti matura DVCIS prudentia gessit.  
Ductoris documenta dabat, cum promeret artem,  
Bellandique modos; crebro nunc eminens igne  
Fata redordiri, nunc signa occurrere signis  
Cominus, & nudis inter stridentia telis  
Agmina, quâ luctatur adhuc globus ille virorum  
Ferro aperire viam, monitis accendere segnes.  
Hic fractas reparare acies, hic cogere sparsas,  
Aut nimis angustas gemino diducere cornu;  
Nunc interjectis campum distinguere turmis,  
Obvia lunato nunc ordine Signa morari,  
Nunc instare vago properis mucronibus hosti,  
Nunc revocare suos, & castra reducere vallis.  
Qualiter in summum validis efferre lacertis,  
Directamq; simul collectis viribus hastam  
Mergere in adverso turmati pectore Thracis.

*Extra Patriam bello  
prudenter egit.*

*Celeritas armorum,  
dum ad Zoravno Tur-  
cas, oppugnantes Ca-  
stra nostra, cum levi-  
bus Vexillis, summo  
mane aggreditur, &  
fugât.*

*Audaciâ triumphali, ad  
portas penè Camenei,  
castris Turcis, captivos  
eliberat.*

*Prudenti solertia, &  
maturâ dexteritate ad  
Chocimum fugientes &  
castris Turcas, opposi-  
tis cohortibus, retrudit,  
& neci offert.*

*Prudens Cunctatio &  
Amor Civium.*

*Artes, & præcepta  
fortia belli, verbo,  
exemploq; docet.*

Quâ rigidum sinuare manu, quàm fortiter arcum,  
Et cita fericeis impellere spicula nervis,  
Scrutatura ferum lethali cuspide pectus,  
Aut fixura caput redeunti desuper ictu.  
Qualiter in jugulum fricto descendere cæsim  
Ense, vel illisum, gladijs elidere ferrum,  
Ut clypeatè latus, permittere frena veredo,  
Et permissa arcere, dolos vitare latentes,  
Dura pati, meliora sequi, perquirere causas,  
Consilio niti, docuit LVBOMIRIA Virtus.  
Hunc memoro, doleoq; *Ducem*. Fata ipsa movere,  
Nî grandes factis, & majestate laborum  
Pace frui, dignique forent requiescere Manes.

*Triumphate Duci fe-  
retrum instaurat Bel-  
lona.*

Æterni *Cineres*, vestro fragantia busto  
Non mihi Panchæi liquidabunt balsama rami,  
Suavia non quæram Nabathæis cynnama campis,  
Non spargam violas, hyacinthina non dabo ferta:  
Nec roseas populabor opes, neq; lilia carpam,  
Ut virides teneris ponam de floribus aras.  
Hæc *Parides* floreta tegant, hæc Roma togatis  
Impendat feretris; at nunc armatus Achilles  
Conditur, Alcidaæ forti monumenta parantur.  
Non funestet ebur taciturno murmure Læsus,  
Exhaustâ tenuis non ploret Nænia voce,  
Bellaces litui, jurataque classica pugna  
Funestum Pæana sonent. Non Miles, inermes,  
Depositis circum signis, præcinge Sepulchrum.  
Altè mobilibus plumatam cassida cristis,  
Squammatoque graves humeris thoracas ahenos  
Tollite, & aggestis tumulum componite scutis.  
Assistant vigiles fixâ tellure sarissæ.  
Baltheus adjectos pharetris devinciat enses,  
Exuviæ Tygridum, maculosaq; vellera Pardi  
Telorum insternant fascès, undantia flatu  
Signa, vel auratis dives coma pendeat hastis.  
Non hîc funereæ frondoso vertice taxi,  
Sed palmæ virides, sed bustum laurus inumbret;  
In medijs ô! castra *Ducem* sepelite trophæis.  
In clypeis feretrum, tumbam deposcit in armis,  
Prima cui rigidæ dederant cunabula parmæ,

*Arma, & exercitum  
parentare jubet.*

Tota-

Totaque in armatis discessit mensibus ætas.  
Convenient Equites turmæ, cervicibus aurum  
Excutiat sonipes; olim rectore superbus  
*Principe*, funereis nunc indignetur habenis,  
Et Dominum, terræ impatiens, exambiat Æthon.  
Adstet, deciduis Majestas bellica Signis,  
Et dignata Sago misceri *Purpura* ducat  
Conferta Proceres acie, cataphracta parentent  
Agmina, surgentes ferrato vertice contos  
Frangat eques; leviorque breves lorica sarissas.  
Evinces fatale chaos, fortissime DVCTOR,  
Posthuma laurigerum spirabit fama per ævum.  
Nec Tu Letheis oblivia nata procellis  
Invidiæ nec tela time. Defenditur ense  
*Nomen*, & in medijs vivit Tua gloria Castris.

## FVNDATORI

PROVINCIA POLONA SCHOLARUM PIARUM  
*parentat lachrymis.*


**F**Vnebribus tandem venit sociare querelis  
Præfica *Relligio* meritos *Calasantia* luctus.  
Tota metu pallet; toto singultat anhela  
Pectore, nec tam verba; gravi quam nata dolore  
Manantes inter lachrymas, suspiria fundit:  
Nunc agedū! nunc mæror ades! populare feroci  
Me totam imperio: diffringe repagula cordis,  
Angusta fauces, pupillas obrue fletū,  
Perque genas riguis decurre per ora fluentis.  
Nunc innecte manū, nunc tende ad sidera palmas;  
Dum mihi crudeles rapiunt solatia Parcæ;  
Vitaque demoritur, cujus de munere vixi.  
O Decus! ô rerum Columen prægrande mearū,  
Spes & Præsidium! Sic Te citus eripit æther?  
Nec patitur vivente frui. Luctatur in astra  
Provida mens inopis turbæ, semperq; clientūm  
Prospiciens pupilla bonis, heu morte fatiscit!  
Nunc quoq; munificæ vellent (quid fata negatis?)  
Donâ manus largos miseris profundere census,  
Nunc quoque, eheu lacrymæ! Sed forsā frena modesti

*Munificentissimus  
Ædium Sacrarū Be-  
nefactor, fundatas Res-  
sovia Scholas Pias,  
Paterno affectu fovet.*

Rumpimus affectus, æther ignosce dolori!  
Hic Superum quoque causa labat. Dessebitis Aræ,  
Altaq; Cælituum visis penetralia damnis.  
Ille! Sacras Divum, qui tot regalibus ædes  
Illustravit opum radijs; vel turribus altas  
Numinis in cultum jussit consurgere moles,  
Qui Fidei *Pia Castra* dedit, qui Signa *MARIÆ*  
In *Calasantino* Mæcenæ Ordine fovit.  
Ille jacet! jacet illa Salus, Tutelaque Nostri!  
Omnes mæror habet, deplorat Patria Patrem,  
Magna Domus magnū Columen; Republica Civē;  
Tutorem Australes Defensoremque Coronæ;  
Et Patrem, & Columen, Protectoremque, Ducemque,  
Spem, Decus, Auxilium fleo: lamentabor in Uno  
Omnia, quæ summis potui promittere votis.  
Complorate Mei! lugete Ascescos Umbrae!  
Quas Tanti solata diu præsentia Phœbi  
Munifico nunquam renuit ditare sereno.  
Squalleat atratus paries! pallescite muri!  
Quos nuper vidit veniens asurgere PRINCEPS.  
Addiscant lamenta Scholæ, plorate Minervæ  
Signa! Cleantheos ceris funebribus ignes  
Palladij miscete tholi! nox, funus & umbras,  
Lucubrata decet. Concludant Justa Stagyrae;  
Eurippus fundat lachrymas; gemituq; perorent  
Rostra, parentales inter squallentia pannos;  
Occentent elegos, tragicum vel dramma Camænæ;  
Discens ritè loqui, minorennis Pallados agmen  
Nunc LUBOMIRIUM pennâ deploret, & ore,  
Nunc Superum requiem clamosâ voce precetur  
HIERONYMO; doctis *Mæcenæ Maxime* fastis  
Æternabit Honor Tuus, ac oblivia vincet.  
Te scribing memores calami, Te lingua loquetur,  
Nec tener affectus desistet laude renasci.  
Vidimus ô PRINCEPS! totum Te impendere nobis,  
Nunc Cordi placuisse Tuo, meruisse Paternum  
Nos animum demonstrat Amor, qui lipsana Cordis  
Committit fidei nostræ, bustoq; perenni.  
Nec tumulum COR quære alibi, Tibi pectus apertū est.  
In crystallo dabit lachrymas; & carmine Magnæ  
Reliquijs Animæ pietas æterna litabit.  
Totaq; funereos *Calasantis* habente colores  
Veste parentabit; Tibi semper præfica vivet;  
Nec luctum, nisi cum vita simul, exuet unquam.

*Cordi suo tumulum  
in Ressoviensi Scholâ-  
rum Piarum Templo  
destinat.*









Biblioteka Jagiellońska

stdr0019765

